



Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris
Theologia Tripartita Universa**

Complectens nunc Bibliothecam perfectam Viri Ecclesiastici, ordine
sequenti

Controversiae Heterodoxae Ac Scholasticae - Cum speciali Notitia rerum
Modernarum, & Chronologia totius Monarchiae Sacrae, & Saecularis,
Pontificum, Conciliorum &c. Haeresum omnium, ac Propositionum
damnatarum Mundi Sex Aetatum ...

Archdekin, Richard

Dilingae, 1687

§. 2. De peccato Actuali, & Originali.

urn:nbn:de:hbz:466:1-38447

Pars II. Controversiae deciduntur in reliqua Theologia.

133

ad brevem certamque sequentium Dogmatum in reliqua Theologia decisionem. De singulis brevi methodo formari poterit hic syllogimus. Illa doctrina à nullo Fidelium admitti potest quam legitima Ecclesie Concilia, aut Pontifices à Cathedra damnarunt, aut censurarunt. Sed haec doctrina N. est talis. Ergo haec à nullo Fidelium admitti potest. Unde ulterius ritè inferes, Doctrinam illi oppositam censeri fanam, & in Scholis omnino receptam.

CONTROVERSIÆ ALIÆ

In reliqua Theologia brevi methodo resolute, ex Censuris, Decretis, aut Definitionibus Ecclesie, aut Summorum Pontificum.

S. I.

De operibus, gratia, & meritis tam hominum, quam Angelorum.

Confutantur sunt sequentes propositiones in proprio verborum sensu, ut singula respectivè sint errore, aut hæretica, aut suspecta, temeraria, scandalosa, aut piarum aurium offensiva, ut contra doctrinam Bajj decernunt Constitutiones Pii V. Gregorii XIII. & Urbani VIII. quarum tenorem in hujus 2. partis finere peries.

Vita æterna homini integro, & Angelo promissa fuit intuitu bonorum operum, & bona opera ex lege naturæ ad illam consequendam per se sufficiunt.

Sicut opus malum ex natura sua est mortis æternæ meritiorum, sic bonum opus ex natura sua est vitæ æternæ meritiorum.

Nec Angeli, nec primi hominis adhuc integri merita rectè vocantur gratia. Pelagi sententia est, opus bonum, circa gratiam adoptionis factum, non esse re-gni coelestis meritum.

Ratio meriti non consistit in eo quod, qui bona operatur, habeat gratiam, & inhabitantem Spiritum Sanctum, sed in eo solum, quod obedit divina legi.

Opera justitiae, & temperantiae, qua Christus fecit, ex dignitate persona operantis non traxerunt majora rem valorem.

In redemptis per gratiam Christi nullum inveniri potest bonum meritum, quod non sit gratis indigno collatum.

Falsa est Doctorum sententia, primum hominem potuisse à Deo creari, & institui sine iustitia naturali.

Deus non potuerit ab initio creare hominem qualis nunc nascitur. Immortalitas primi hominis non erat gratia beneficium, sed naturalis ejus conditio.

Sunt & proscriptæ aliae propositiones his ferè synonime.

Docet absolute autem Lutherus; Nullum esse ullius hominis meritum ad gloriam asequandam, & eam obtinendam per sola merita Christi. Damnatur haec assertio in Tridentino Sess. 6. can. 32.

Errat in altero extremo Pelagius afferens; Hominem suā virtute sine gratia Dei, vitam æternam promoveri. Post alia Concilia damnatur à Tridentino Sess. 6. cap. 9. & can. 7.

Hæresis quoque Lutheri est, Hominem justum certò scire, se esse in gratia, & ad hoc credendum obligari. Reprobatur in Trid. Sess. 6. cap. 9. & can. 13. Definitio autem legitimi Concilii aut Pontificis, cuius verè Catholicæ indubitate probatio est, & ad eam recipiendam hæreticus adigitur argumentis quibus alibi

convincimus hanc esse veram Christi Ecclesiam, falli & fallere nesciam in controversiis fidei, ac morum decidens.

De his ceteræ quæstiones Theologicae traditæ sunt in superioribus Controversiis, & alia in p.r. tract. 2. c. 2. ubi agitur de operibus & gratia, & s. prop. in Jansenio damnatis.

§. II.

De peccato actuali & originali.

Haec assertio: Nullum peccatum imputatur habenti fidem: Damnata est in Luthero à Tridentino Sess. 6. c. 7. & can. 9.

Peccatum non est à libero hominis arbitrio, sed à malo dæmoni. Fuit error Valentini, proscriptus in Concilio generali Calcedonensi IV. sub Leone I.

Omnis opus quomodounque rectè factum, est tamen peccatum. Damnatur in Luthero Tridentini Sess. 6. cap. 16. & can. 25.

Omnis homines ante Christum fuerunt damnati ob peccatum primorum parentum. Error Armenorum, reprobatus in Concilio Florentino sub Eugenio IV.

Aliqua sunt peccata, quæ à nullo prouersus Sacerdote absolvit possunt. Oppositum definitur in eodem Florentino contra Armenos.

Semel per gratiam iustificatus non potest amplius peccare. Damnatur in Concilio Viennensi sub Clemente V. contra Begardos.

Nullum datur peccatum mortale, præter incredulitatem. Reprobatur inter errores Lutheri in Trident. Sess. 6. cap. 15.

Nulla est differentia inter peccatum mortale & veniale. Proscriptitur Tridentini Sess. 4. cap. 5. & can. 7. contra Calvinum.

Ex prevaricatione Adami nullum in posteris propagatum esse peccatum originale, cui abliendo necessaria sit gratia Christi; Error est contra fidem in Pelagio damnatus.

In doctrina Michaelis Bajj, & aliorum, reprobata sunt per diplomata trium Pontificum sequentes de Peccato assertiones.

Nullum est peccatum ex natura sua veniale, sed omne peccatum meretur pœnam æternam.

Omnis opera infidelium sunt peccata, & Philosophorum virtutes sunt vitia. De hoc actum supra Controvers. 6. §. 2.

Omne quod agit peccator, vel servus peccati, peccatum est.

Infidelitas purè negativa in iis, quibus Christus non est prædicatus, peccatum est.

Prava desideria quibus ratio non consentit, & quæ homo invitus patitur, sunt prohibita præcepto, Non concupisces.

Concupiscentia in renatis relapsis in peccatum mortale, in quibus jam dominatur, peccatum est, sicut & alii habitus pravi.

In peccato duo sunt, actus & reatus: transiente autem actu nihil manet nisi reatus, sive obligatio ad pœnam.

Peccatum originis est habituali voluntare parvuli voluntarium, & habitualiter dominatur parvulo, eo quod non gerit contrarium voluntatis arbitrium.

Omne icelus ejus est conditionis ut suum authorem, & omnes pastores eo modo inficere possit, quo inficit prima transgressio.

Quæ-

Isde
Kin

Theo-
logia

Quantum est ex vi transgressionis, tantum meritorum malorum à generante contrahunt, qui cum minoribus nascuntur virtutis, quām qui cum majoribus.

Omnis omnino afflictiones iustorum, sunt ultiones peccatorum ipsorum, unde & Job, & Martyres, quae passi sunt, propter sua peccata passi sunt.

Nemo præter Christum est sine peccato originis; hinc Beata Virgo mortua est propter peccatum ex Adamo contractum, omnesque ejus afflictiones in hac vita, sicut & aliorum iustorum, fuerunt ultiones peccati originalis vel actualis. Due postremae propositiones sunt in dictis Diplomatibus damnatae potius ex aliis scriptis, quam ex ipsis libris Bajo editis.

Doctrina Catholica his opposita docet, primò, Peccatum originale omnibus verum, & proprium inesse, ut loquitur Tridentinum. 2. Peccatum illud in eo consistere, quod Adam transgrediendo divinum præceptum, originalem sanctitatem, & iustitiam nature indebitam, non tantum sibi, sed posteris amiserit, in quos omnes non propriè voluntate, sed propagatione transfunditur. 3. Excipiendam à labore originali in suo ortu Virginem Deiparam, piè passim credunt fideles; idque non parum confirmat quod in postrema Bulla Alexander VII. nobis disertè constare voluerit, hunc esse antiquissimum & communissimum omnium fere Catholicorum sensum: & festum Immaculatae conceptionis, in sensu pia sententia, à Romana Ecclesia celebrari. Declarans insuper, illos penas à Sixto IV. constitutas incurgere, qui hanc eandem sententiam, festum, seu cultum in disputationem revocare, aut contra quo modo direxerit, vel indirexerit, aut sub quovis pretextu etiam defensibilitatem ejus examinanda, aut quovis alio pretextu seu occasione, scripro, seu voce, logni, concionari, tractare, disputare, contra quidquam determinando aut afferendo, vel argumenta contra ea afferendo, & insolita relinquendo, aut also quovis modo excogitabili disserendo, an si fuerint. Ita Bulla Alexandri VII. que incipit, Sollicitudo, anno 1661. 4. Dari peccatum mortale & veniale ab eo distinctum: & illud graviter, hoc leviter præcepto opponi. 5. Omne mortale non remissum puniri etiam poenâ sensus eternâ: idque ob malitiam peccati intrinsecam; & in eo sitam, quod offendatur persona dignitatis infinite cognita ut talis. Hæc, & reliqua doctrina de peccatis in particulari, fusius traduntur *infra part. 3. in Tractatu de Præceptis.*

§. III.

De Fide, Spe, & Charitate.

Nihil credendum esse quod excedat vires nostri intellectus, docuit Petrus Abailardus, quod erroneum declaravit Concilium generale Rhemensis sub Eugenio III.

Solam fidem, cum gravibus etiam peccatis, hominem justificare; & ad salutem perducere, docuit, post Eunomium, Lutherus, afferens præter fidem opera ad salutem minimè esse necessaria, damnatum in Trident. Sess. 6. cap. 3. & can. 9.

Fidem amitti per quodlibet peccatum mortale, error est ejusdem Lutheri, proscriptus à Tridentino Sess. 6. cap. 15. & can. 28.

Quemvis hominem pro libitu, sine Superiorum

facultate, posse fidem prædicare, falsum declaratur in Concilio generali Constantiensi Sess. 8. contra Wiclefum.

Licitum esse urgente persecutione fidem negare, contra Basiliadem damnavit Concilium Nicænum L. sub Sylvester Pape.

Spem nullam justitiae aut salutis collocandam in operibus: Fideles per sola merita Christi sibi imputata justificari; erroribus Lutheri annumeratur in Tridentino Sess. 6. cap. 16. & can. 26.

De Charitate proscriptæ sunt propositiones sequentes in Bulla contra Bajum.

Omnis amor creature rationalis aut virtuosa est cupiditas, qua mundus diligitur, quæ à Joanne prohibetur, aut laudabilis illa charitas, quæ per Spiritum Sanctum in corde diffusa Deus amat.

Charitas perfecta & sincera, quæ est ex corde puro & conscientia bona, & fide non ficta, tam in Catichumenis, quam in pœnitentibus potest esse sine remissione peccatorum. Et prop. 32. Charitas illa quæ est plenitudo legis non est semper conjuncta cum remissione peccatorum.

Homo existens in peccato mortali, sive in reatu terrena damnationis, potest habere veram charitatem, & Charitas etiam perfecta potest consistere cum reatu eterna damnationis.

Per Contritionem etiam cum charitate perfecta, & cum voto etiam suscipiendi Sacramentum conjunctum, non remittitur crimen extra casum necessitatis, aut martyrii, sine actuali susceptione Sacramenti.

Quamdiu aliquid concupiscentiae carnalis in dilectione est, non facit præceptum. Diliges Dominum tuum in toto corde tuo.

Non est vera obedientia legis, quæ fit sine Charitate.

Hæc propositio, & quædam alia, à fortiori refutatur, *infra Tom. 2.* ubi probamus Attritionem ex meo gehennæ, aut ex Spissæ gloriae cœlestis, absque Charitate, auctum esse per se bonum; & peccatorem ritè disponere ad gratiam in pœnitentia Sacramento percipiendam, de quo *infra* in part. 3. tract. 1. quest. 21. inter Controversias modernas.

Reliquas questiones Theologicas de fide divina ejusque objecto, necessitate, certitudine, motivo, & analysi; de Pontifice & Conciliis, & Controversiis fidei particularibus ac modernis, copiosè tractamus *infra* in tota part. 1. Et alias quæ ad proxim ordinantur tradimus *infra* inter resolutiones ad Hæresim, & partes hæreticorum pertinentes in *Tom. 2. part. 3. tract. 6.*

§. IV.

De Iure & injuria.

Hæc propositio: Non debet fieri restitutio furti, modo is qui abstulit partem rei furtivæ, aut pecunie, relinquat Sacerdoti ut absolvatur: Reprobata est in Concilio Florentino inter errores Græcorum.

Non est peccatum pecuniam ad usuram concedere. Hic error, cuius primi authores fuerunt Græci, damnatur in Concilio generali Viennensis, his terminis; Si quis pertinaciter defenderit, quod dare ad usuram non sit peccatum, decernimus esse puniendum velut hæreticum.

Nullus homo potest justè occidi, et si id fiat ex præcepto Judicis legitimi. Abolita est hæc doctrina in Con-